



**GARIS PANDUAN
TUNTUTAN *IMBALANCE COST PASS-THROUGH*
(ICPT) DI SEMENANJUNG MALAYSIA & WILAYAH
PERSEKUTUAN LABUAN
BAGI PEMEGANG LESEN AWAM PENGAGIHAN**

NO. PENDAFTARAN	TARIKH PINDAAN	NOTA

AKTA BEKALAN ELEKTRIK 1990 [AKTA 447]

GARIS PANDUAN

**TUNTUTAN *IMBALANCE COST PASS-THROUGH* (ICPT) DI SEMENANJUNG
MALAYSIA DAN WILAYAH PERSEKUTUAN LABUAN BAGI
PEMEGANG LESEN AWAM PENGAGIHAN**

GP/ST/No.53/2024

PADA menjalankan kuasa yang diberikan oleh seksyen 26 dan 50C Akta Bekalan Elektrik 1990 [*Akta 447*], Suruhanjaya mengeluarkan garis panduan yang berikut:

Nama dan permulaan kuat kuasa

1. Garis Panduan ini bolehlah dinamakan sebagai **Garis Panduan Tuntutan *Imbalance Cost Pass-Through* (ICPT) di Semenanjung Malaysia dan Wilayah Persekutuan Labuan bagi Pemegang Lesen Awam Pengagihan.**
2. Garis Panduan ini hendaklah mula berkuat kuasa pada tarikh Garis Panduan ini didaftarkan.

Tujuan

3. Garis Panduan ini merupakan panduan kepada semua pemegang Lesen Awam Pengagihan (LAP) bagi maksud membuat tuntutan *Imbalance Cost Pass-Through* (ICPT) kepada Suruhanjaya Tenaga sebagaimana yang dinyatakan dalam Akta Bekalan Elektrik 1990 [*Akta 447*].

Tarikh:15 Januari 2025



DATO' IR. TS. ABDUL RAZIB BIN DAWOOD

Ketua Pegawai Eksekutif
Suruhanjaya Tenaga

ISI KANDUNGAN

1. OBJEKTIF	4
2. SKOP	4
3. TAFSIRAN	5
4. PELAKSANAAN TARIF YANG DILULUSKAN TERMASUK CAJ LAIN	7
5. KELAYAKAN TUNTUTAN ICPT	8
6. DOKUMEN-DOKUMEN TUNTUTAN ICPT	10
7. PROSES TUNTUTAN ICPT	11
8. TANGGUNGJAWAB PEMEGANG LAP BERHUBUNG ICPT	13
9. BAYARAN TUNTUTAN ICPT	15
10. KETIDAKPATUHAN KEPADA GARIS PANDUAN	17

SENARAI LAMPIRAN

1. Lampiran 1: Pengiraan tuntutan ICPT
2. Lampiran 2: Contoh pengiraan tuntutan ICPT

1. OBJEKTIF

Objektif Garis Panduan ini adalah seperti yang berikut:

- (a) untuk melaksanakan tarif yang merangkumi kos *Imbalance Cost Pass-Through* (ICPT);
- (b) untuk memperuntukkan syarat kelayakan pemegang lesen awam pengagihan bagi maksud tuntutan ICPT;
- (c) untuk mengadakan tatacara bagi tuntutan ICPT berkenaan proses yang perlu diikuti oleh pemegang Lesen Awam Pengagihan (LAP) semasa mengemukakan tuntutan ICPT kepada Suruhanjaya Tenaga; dan
- (d) untuk memperuntukkan cara pembayaran tuntutan ICPT oleh Kerajaan atau Suruhanjaya Tenaga kepada pemegang LAP.

2. SKOP

Garis Panduan ini hendaklah terpakai kepada semua pemegang LAP di Semenanjung Malaysia dan Wilayah Persekutuan Labuan yang berdaftar dengan Suruhanjaya Tenaga dan mempunyai lesen yang masih berkuat kuasa.

3. TAFSIRAN

3.1 Dalam Garis Panduan ini, melainkan jika konteksnya menghendaki makna yang lain, terma yang digunakan hendaklah mempunyai maksud yang berikut:

“Akta”	ertinya Akta Bekalan Elektrik 1990 [Akta 447];
“GET”	ertinya suatu program inisiatif Kerajaan bagi menyediakan medium untuk pengguna membuat pilihan kepada tenaga elektrik hijau tarif yang dijana daripada fotovolta suria dan kuasa hidro kepada pengguna;
“IBR”	ertinya rangka kerja Kawal Selia Berasaskan Insentif (<i>Incentive Based Regulation</i>) yang dilaksanakan bagi mengawal selia tarif elektrik di Semenanjung Malaysia dan Wilayah Persekutuan Labuan;
“ICPT”	ertinya pelepasan kos <i>Imbalance Cost Pass-Through</i> oleh pemegang lesen awam pengagihan kepada penggunaanya;
“KWIE”	ertinya Kumpulan Wang Industri Elektrik yang ditubuhkan di bawah seksyen 44C Akta;
“kWj”	ertinya kilo wat jam;
“LAP”	ertinya lesen awam pengagihan yang dikeluarkan di bawah seksyen 9 Akta;

”NEM”	ertinya pemeteran tenaga bersih yang merujuk kepada penjanaan elektrik melalui fotovolta suria;
”Peraturan-Peraturan”	ertinya Peraturan-Peraturan Bekalan Pemegang Lesen 1990 [<i>P.U.(A)384/1990</i>] atau Peraturan-Peraturan Elektrik 1994 [<i>P.U.(A)38/1994</i>] yang mana-mana berkenaan;
”TNB”	ertinya Tenaga Nasional Berhad yang merupakan pemegang lesen di bawah seksyen 9 Akta yang membekalkan dan mengagihkan bekalan elektrik di Semenanjung Malaysia;
”SESB”	ertinya Sabah Energy Services Berhad yang merupakan pemegang lesen di bawah seksyen 9 Akta yang membekalkan dan mengagihkan bekalan elektrik di Wilayah Persekutuan Labuan;
”Syarat Lesen”	ertinya syarat dan terma lesen yang diberikan bagi lesen awam pengagihan;
”Suruhanjaya”	mempunyai erti yang diberikan kepadanya dalam Akta; dan

3.2 Sekiranya terdapat percanggahan penggunaan terma atau peruntukan dalam Garis Panduan ini, Akta dan peraturan-peraturan yang dibuat dibawahnya hendaklah

mengatasi Garis Panduan ini.

4. PELAKSANAAN TARIF YANG DILULUSKAN TERMASUK CAJ LAIN

4.1 Pemegang LAP yang membekal dan menjual elektrik kepada penggunaanya boleh mengenakan penggunaanya:

- (a) suatu tarif yang ditentukan oleh Suruhanjaya dengan kelulusan Menteri selaras dengan seksyen 26 Akta; dan
- (b) apa-apa caj lain yang telah diluluskan oleh Menteri, termasuklah ICPT selaras dengan seksyen 26 Akta.

4.2 Mekanisme ICPT diluluskan oleh Kerajaan dan dilaksanakan oleh Suruhanjaya sejak 1 Januari 2014 di bawah IBR. Pelarasan tarif elektrik melalui mekanisme ICPT bagi pengguna domestik dan bukan domestik di Semenanjung Malaysia dan Wilayah Persekutuan Labuan dilaksanakan melalui pengenaan surcaj atau pemberian rebat kepada pengguna bergantung kepada kos bahan api semasa.

4.3 Bagi maksud mekanisme ICPT, pengenaan ICPT adalah berdasarkan kelulusan Kerajaan bagi setiap enam (6) bulan bagi tempoh seperti yang berikut:

- (a) 1 Januari hingga 30 Jun; dan
- (b) 1 Julai hingga 31 Disember.

4.4 Pelaksanaan mekanisme ICPT adalah seperti berikut:

- (a) Caj ICPT dikenakan untuk setiap kWj tenaga elektrik yang digunakan oleh pengguna. Caj ICPT merupakan komponen boleh ubah yang

terdapat dalam bil elektrik yang ditentukan berdasarkan penggunaan tenaga elektrik pada setiap bulan; dan

- (b) Formula bagi pengiraan tuntutan ICPT adalah seperti di **Lampiran 1** dan contoh pengiraan tuntutan ICPT adalah seperti di **Lampiran 2**.

5 KELAYAKAN TUNTUTAN ICPT

5.1 Tuntutan bagi ICPT boleh dibuat:

- (a) oleh pemegang LAP yang dilesenkan di bawah seksyen 9 Akta;
- (b) dalam tempoh sah lesen; dan
- (c) bagi pemegang LAP yang mempunyai pengguna dari kategori domestik atau bukan domestik atau berdasarkan apa-apa keputusan yang dibuat oleh Kerajaan, bagi suatu tempoh ICPT yang berkuatkuasa.

5.2 Pemegang LAP merujuk kepada pemegang lesen awam pengagihan yang mendapat bekalan elektrik secara pukal daripada TNB (di Semenanjung Malaysia) atau SESB (di Wilayah Persekutuan Labuan) secara:

- (a) *Large Power Consumer* (LPC), TNB;
- (b) *LPC Co-Generator* (CoGEN) TNB;
- (c) *LPC Net Energy Metering* (NEM) TNB;
- (d) *LPC with Green Energy Tariff* (GET) TNB; dan

(e) pemegang LAP di bawah syarikat utiliti (Pemegang LAP yang lain/induk).

5.3 Semasa mengemukakan tuntutan ICPT, pemegang LAP dikehendaki mematuhi kehendak yang berikut:

- (a) Akta dan perundangan subsidiari di bawahnya;
- (b) syarat dan terma di bawah lesen yang dikeluarkan kepada pemegang LAP;
- (c) apa-apa arahan atau keputusan Kerajaan atau Suruhanjaya, termasuk kadar tarif yang dikenakan kepada pengguna LAP;
- (d) memastikan fi lesen dan fi lesen tahunan dibayar kepada Suruhanjaya mengikut tempoh yang ditetapkan;
- (e) memastikan jaminan bank (*bank guarantee*) dikemukakan kepada Suruhanjaya mengikut tempoh yang ditetapkan;
- (f) memastikan apa-apa maklumat pemegang LAP dikemaskini di dalam sistem yang ditetapkan oleh Suruhanjaya seperti yang berikut tetapi tidak terhad kepada:
 - (i) alamat syarikat;
 - (ii) nombor telefon;
 - (iii) alamat emel; dan
 - (iv) pegawai untuk dihubungi.
- (g) memastikan salinan asal dokumen tuntutan ICPT dikemukakan kepada Suruhanjaya secara fizikal (*hardcopy*) dan *softcopy* (melalui emel) secara lengkap dan tepat. Kegagalan memberikan dokumen

lengkap, termasuk dokumen yang boleh disemak dan disahkan akan menyebabkan tuntutan ICPT tidak layak diproses untuk pembayaran.

- 5.4 Kegagalan pemegang LAP untuk mematuhi perkara di perenggan 5.3 boleh menyebabkan Kerajaan atau Suruhanjaya tidak mempertimbangkan tuntutan tampungan kos ICPT untuk diproses dan dibayar.

6 DOKUMEN BAGI MAKSUD TUNTUTAN ICPT

6.1 Pemegang LAP hendaklah mengemukakan tuntutan ICPT bersama dokumen-dokumen sokongan yang berikut:

- (a) surat iringan tuntutan ICPT di Semenanjung Malaysia dan Wilayah Persekutuan Labuan;
- (b) nota debit atau invois tuntutan;
- (c) perincian tuntutan ICPT termasuklah yang mengandungi butiran seperti yang berikut:
 - (i) ringkasan tuntutan ICPT; dan
 - (ii) butiran tuntutan ICPT yang terdiri daripada Pengguna Bukan Domestik dan Pengguna Domestik.
(pemegang LAP dikehendaki mengemukakan salinan dalam bentuk softcopy dalam format Excel melalui emel).
- (d) lima (5) sampel bil pengguna domestik dan/atau lima (5) sampel pengguna bukan domestik;
(pemegang LAP dikehendaki menandakan/highlight pada nama sampel pengguna yang dikemukakan dalam "Butiran tuntutan ICPT Pengguna Bukan

*Domestik” atau “Butiran Tuntutan ICPT Pengguna Domestik” dalam kedua-dua salinan dalam bentuk **hardcopy** dan **softcopy** format Excel).*

- (e) salinan bil elektrik bulanan pemegang LAP yang diterima daripada pembekal elektrik; dan
(pemegang LAP dikehendaki memastikan maklumat bil elektrik bulanan yang diisi pada borang butiran tuntutan ICPT seperti di perenggan 6.1(c) diisi dengan tepat).

- (f) borang akuan penerimaan dan pematuhan oleh pemegang LAP.
(pemegang LAP dikehendaki memastikan kesahihan dan ketepatan maklumat yang diberikan. Maklumat tidak sah dan tepat adalah tertakluk kepada seksyen 8(d) Akta).

6.2 Borang tuntutan ICPT boleh dimuat turun di laman sesawang Suruhanjaya di Borang Tuntutan ICPT.

7 PROSES TUNTUTAN ICPT

7.1 Pemegang LAP dikehendaki mengemukakan tuntutan ICPT yang lengkap dalam bentuk fizikal (*hardcopy*) dan *softcopy* (emel) secara **bulanan** kepada ST untuk tujuan semakan dan pengesahan seperti yang berikut:

Jenis dokumen	Salinan asal secara fizikal (<i>hardcopy</i>)	Salinan <i>softcopy</i> (fail Excel sheet)
Dialamatkan kepada	Ketua Pegawai Eksekutif Suruhanjaya Tenaga No. 12, Jalan Tun Hussein, Presint 2 62100 PUTRAJAYA	Emel kepada ukwie@st.gov.my

Jenis dokumen	Salinan asal secara fizikal (<i>hardcopy</i>)	Salinan <i>softcopy</i> (fail Excel sheet)
	(u/p: Unit Kumpulan Wang Industri Elektrik)	
Dokumen yang dikemukakan	Salinan asal secara fizikal (<i>hardcopy</i>) bagi dokumen-dokumen dalam perenggan 6.1(a), (b), (c), (d), (e) dan (f).	Salinan <i>softcopy</i> Excel sheet bagi dokumen dalam perenggan 6.1(c) di atas – ” Perincian tuntutan ICPT”.

7.2 Pemegang LAP hendaklah memastikan dokumen tuntutan ICPT seperti yang dinyatakan di perenggan 7.1 dikemukakan dengan **lengkap dan tepat dan diterima** oleh Suruhanjaya sebelum atau pada:

Tempoh tuntutan ICPT	1 Januari hingga 30 Jun	1 Julai hingga 31 Disember
Tarikh akhir terimaan tuntutan ICPT bagi tempoh ICPT berkuatkuasa	31 Julai, pada tahun semasa	31 Januari, tahun berikutnya

7.3 Suruhanjaya tidak akan membuat semakan kepada tuntutan ICPT sekiranya dokumen yang dinyatakan dalam perenggan 6.1 tidak diterima oleh Suruhanjaya pada atau sebelum tarikh akhir pengemukakan tuntutan tersebut sebagaimana yang dinyatakan dalam perenggan 7.2 di atas.

7.4 Pemegang LAP dikehendaki mengemukakan tuntutan ICPT secara bulanan dan bukan secara terkumpul.

7.5 Suruhanjaya boleh memberi peluang kepada pemegang LAP untuk

membuat apa-apa pembedulan sekiranya:

- (a) Suruhanjaya mendapati bahawa dokumen yang dikemukakan adalah tidak tepat atau tidak lengkap; dan
- (b) pemegang LAP mengemukakan tuntutan ICPT sebelum tarikh akhir bagi tempoh ICPT sebagaimana yang dinyatakan dalam perenggan 7.2 di atas.

8 TANGGUNGJAWAB PEMEGANG LAP BERHUBUNG DENGAN TUNTUTAN ICPT

8.1 Pemegang LAP bertanggungjawab untuk:

- (a) mengenakan kadar elektrik mengikut kadar yang diluluskan oleh Menteri termasuklah kategori tarif yang bersesuaian kepada pengguna;
- (b) memperincikan butiran dalam bil bulanan elektrik pengguna seperti yang berikut:
 - (i) jenis tarif pengguna;
 - (ii) tempoh pengebilan;
 - (iii) perincian blok penggunaan elektrik (kWj);
 - (iv) perincian caj ICPT yang dikenakan kepada pengguna; dan
 - (v) caj semasa;
- (c) memaklumkan jumlah subsidi bahan api yang ditanggung oleh Kerajaan kepada pengguna;
- (d) mengemukakan tuntutan tampungan kos ICPT kepada Kerajaan atau

Suruhanjaya mengikut keputusan pelarasan ICPT yang berkuatkuasa;

- (e) membuat bayaran bagi caj atau bil elektrik bulanan yang dikeluarkan oleh pembekal elektrik dalam masa 30 hari dari tarikh bil dikeluarkan, bagi mengelakkan apa-apa surcaj atau penalti dikenakan;
- (f) mengemukakan dokumen tuntutan ICPT yang lengkap dan tepat dari segi maklumat, kadar tarif dan pengiraan;
- (g) mengemukakan dokumen sokongan tambahan bagi tuntutan ICPT apabila diminta oleh Suruhanjaya;
- (h) memastikan tiada kesalahan, ketidakpatuhan atau kelalaian dalam tuntutan ICPT kepada Suruhanjaya;
- (i) memastikan tuntutan ICPT dibuat dalam tempoh masa yang ditetapkan di bawah Garis Panduan ini dan mengikut tempoh pelaksanaan ICPT yang ditetapkan atau berkuat kuasa;
- (j) memastikan bahawa apa-apa isu dalaman di pihak LAP tidak mempengaruhi tuntutan ICPT; dan
- (k) memastikan apa-apa kehendak di bawah Garis Panduan ini dipatuhi dan dilaksanakan sewajarnya.

8.2 Pemegang LAP hendaklah bertanggungjawab untuk memaklumkan Suruhanjaya secara formal sekiranya:

- (a) terdapat perubahan dari segi pihak pengurusan atau maklumat pembayaran atau maklumat lain yang berkaitan tuntutan ICPT yang telah dikemukakan; dan

- (b) mengemukakan nota debit yang baru bagi menggantikan nota debit yang telah dikemukakan kepada Suruhanjaya dengan maklumat pembayaran yang terkini.

9 BAYARAN TUNTUTAN ICPT

- 9.1 Peruntukan bagi tuntutan ICPT ini dibiayai sepenuhnya oleh Kerajaan atau KWIE.
- 9.2 Peruntukan bagi tuntutan ICPT bagi suatu tempoh akan berakhir setelah tempoh ICPT yang berkuat kuasa berakhir. Oleh itu, pemegang LAP hendaklah memastikan tuntutan ICPT dikemukakan kepada Kerajaan atau Suruhanjaya mengikut tempoh ICPT yang berkuat kuasa.
- 9.3 Kerajaan atau Suruhanjaya tidak akan membuat sebarang pembayaran balik (*reimbursement*) bagi mana-mana tuntutan ICPT yang dibuat oleh pemegang LAP selepas tempoh ICPT yang berkuat kuasa tamat.
- 9.4 Kerajaan telah menetapkan bahawa penyaluran tampungan ICPT adalah berdasarkan pembayaran balik (*reimbursement*) melalui tuntutan daripada pemegang LAP yang telah disemak dan disahkan oleh Suruhanjaya.

Walau bagaimanapun, sekiranya pemegang LAP tidak mengemukakan tuntutan ICPT dalam tempoh ICPT yang ditetapkan, tuntutan tersebut tidak akan diproses dan dibayar.
- 9.5 Pembayaran tuntutan ICPT yang telah disemak dan disahkan akan mengikut giliran dan tertakluk kepada prosedur serta garis masa yang ditetapkan oleh pihak Kerajaan atau Suruhanjaya.
- 9.6 Tuntutan ICPT akan dibayar sekiranya:

- (a) pemegang LAP adalah pemegang lesen yang sah berlesen di bawah seksyen 9 Akta pada waktu tuntutan ICPT dibuat;
- (b) nama pemohon tuntutan ICPT hendaklah sama seperti nama pemegang LAP yang sah berdaftar dengan Suruhanjaya;
- (c) salinan fizikal (*hardcopy*) dan *softcopy* diterima oleh Suruhanjaya daripada pemegang LAP sebelum atau pada tarikh akhir yang ditetapkan seperti di perenggan 7.2; dan
- (d) tuntutan ICPT yang dikemukakan adalah lengkap dan tepat.

9.7 Tuntutan tampungan kos ICPT oleh pemegang LAP yang diluluskan akan dibayar oleh Kerajaan atau Suruhanjaya dengan cara yang berikut:

- (a) sekiranya pemegang LAP mendapatkan bekalan elektrik secara pukal daripada pembekal utama elektrik seperti TNB/SESB¹, bayaran akan dikreditkan melalui bil elektrik pembekal pemegang LAP²; atau
- (b) sekiranya pemegang LAP mendapatkan bekalan elektrik secara pukal daripada pemegang LAP induk, bayaran akan dikreditkan melalui akaun bank³ yang diberikan oleh pemegang LAP di dalam invois.


(Muka surat/ruangan ini sengaja dibiarkan kosong)

¹ Sekiranya pemegang LAP mempunyai lebih daripada satu akaun bil elektrik dengan pembekal utama elektrik, pemegang LAP diminta memberikan satu (1) nombor akaun bil elektrik yang utama untuk tujuan pembayaran tuntutan ICPT dan dinyatakan di dalam nota debit atau invois.

² Pemegang LAP dikehendaki menyatakan nombor bil elektrik daripada pembekal elektrik di dalam nota debit/invois untuk tujuan bayaran dikreditkan.

³ Pemegang LAP dikehendaki menyertakan salinan penyata bank sebagai dokumen sokongan ke atas pembayaran melalui akaun bank.

9.8 Secara ringkas, proses tuntutan ICPT oleh pemegang LAP adalah seperti Ilustrasi 1 berikut:



Ilustrasi 1: Proses tuntutan ICPT oleh pemegang LAP

10 KETIDAKPATUHAN KEPADA GARIS PANDUAN

Mana-mana pemegang LAP yang tidak mematuhi Garis Panduan ini adalah tertakluk kepada seksyen 50E Akta seperti yang berikut:

“Kesalahan bagi ketidakpatuhan kod, garis panduan atau arahan Suruhanjaya 50E. Seseorang yang tidak mematuhi mana-mana kod, garis panduan atau arahan Suruhanjaya yang dikeluarkan di bawah Akta ini, melakukan suatu kesalahan dan boleh, apabila disabitkan, didenda tidak melebihi dua ratus ribu ringgit atau dipenjarakan selama tempoh tidak melebihi dua tahun atau kedua-duanya.”

LAMPIRAN 1

PENGIRAAN TUNTUTAN ICPT

1. Pelaksanaan ICPT di dalam bil elektrik pengguna adalah seperti berikut:
 - (a) ICPT merupakan caj yang dikenakan untuk setiap kWj tenaga elektrik yang digunakan. Caj ICPT adalah komponen boleh ubah dalam bil elektrik, di mana kadar ICPT adalah berdasarkan kepada penggunaan tenaga elektrik pada setiap bulan.
 - (b) caj ICPT dilepaskan secara terus dan pengiraannya adalah mengikut penggunaan bulanan tenaga elektrik dalam unit kWj didarabkan dengan kadar ICPT (sen/kWj). Caj ICPT ini kemudiannya akan ditambah atau ditolak daripada jumlah bil semasa pengguna.
 - (c) secara ringkas, pengiraan ICPT terhadap bil elektrik adalah seperti berikut:

$$\text{Caj ICPT, ("A")} = \text{Penggunaan elektrik (kWj)} \times \text{Kadar ICPT (sen/kWj)}$$

Oleh itu, jumlah bil bulanan semasa, ("B") = Bil bulanan semasa – ("A")

2. Sekiranya bil elektrik pengguna adalah pada kadar minimum, contoh pengiraan adalah seperti berikut:

Pengiraan bagi minimum caj bil elektrik pengguna bukan domestik	
Formula	= (Tarif asas + caj ICPT) + KWTBB
Pengiraan	= (RM 7.20) + KWTBB
Contoh	= [(15 kWj x RM0.435)+(15kwj x RM 0.027)] + KWTBB = [RM 6.53 + RM 0.41] +KWTBB = RM 7.20 + KWTBB

⁴ nilai "A" akan bergantung kepada keputusan pelarasan tarif elektrik semasa, sama ada dalam bentuk surcaj atau rebat. Sekiranya keputusan ICPT adalah berbentuk surcaj, caj tambahan akan dikenakan kepada bil bulanan semasa. Sebaliknya, sekiranya keputusan pelarasan tarif elektrik semasa adalah berbentuk rebat, bil bulanan semasa akan ditolak dengan amaun rebat yang diberikan oleh Kerajaan.

	<p>= RM 7.20 + RM 0.12</p> <p>= RM 7.32</p>
--	---

3. Walau bagaimanapun, kaedah pengiraan tuntutan adalah berbeza mengikut kategori pemegang LAP dan penggunaannya, berdasarkan kadar surcaj atau rebat yang diputuskan oleh Kerajaan bagi setiap tempoh pelaksanaan ICPT. Pengiraan ICPT bagi setiap kategori pemegang LAP adalah seperti berikut:

KATEGORI PEMEGANG LAP	PENGIRAAN TUNTUTAN TAMPUNGAN KOS ICPT		
<p>(i) LPC / LPC (CoGEN) / LPC (NEM) TNB</p> <p>(ii) Pemegang LAP di bawah syarikat utiliti selain TNB</p> <p>(iii) Pemegang LAP SESB</p>	<ul style="list-style-type: none"> • Bagi ketiga-tiga kategori ini, pengiraan tuntutan kos ICPT dikira secara bulanan menggunakan formula berikut: <table border="1" style="margin: 10px auto; width: 80%;"> <tr> <td style="padding: 5px;">Formula pengiraan</td> <td style="padding: 5px;">Penggunaan elektrik (kWj) x Kos ICPT (surcaj/ rebat yang tidak dapat dilepaskan kepada pengguna)</td> </tr> </table> • Jumlah keseluruhan penggunaan elektrik pengguna LAP akan dikira menggunakan formula di atas mengikut keputusan pelarasan ICPT bagi setiap kategori pengguna. 	Formula pengiraan	Penggunaan elektrik (kWj) x Kos ICPT (surcaj/ rebat yang tidak dapat dilepaskan kepada pengguna)
Formula pengiraan	Penggunaan elektrik (kWj) x Kos ICPT (surcaj/ rebat yang tidak dapat dilepaskan kepada pengguna)		
<p>(iv) LPC <i>Green Electricity Tariff</i> (GET) TNB *</p>	<ul style="list-style-type: none"> • Program GET diperkenalkan kepada pengguna sebagai alternatif bekalan elektrik daripada sumber tenaga boleh baru dengan tarif yang dikenakan berdasarkan kuota penggunaan kWj yang telah dilanggan di dalam program tersebut. • Sebagai insentif, Kerajaan telah memberikan pengecualian ICPT secara bertempoh* berdasarkan kuota penggunaan kWj yang dilanggan. Walau bagaimanapun, pengecualian ICPT tersebut hanya terpakai ke atas pelanggan program GET sahaja (pemegang LAP sahaja). 		

KATEGORI PEMEGANG LAP	PENGIRAAN TUNTUTAN TAMPUNGAN KOS ICPT
	<p><i>*tempoh pengecualian adalah terpakai mengikut keputusan Kerajaan seperti yang tertakluk di dalam kontrak yang dilanggan oleh pemegang LAP.</i></p> <ul style="list-style-type: none"> • Memandangkan pengecualian ICPT hanya diberikan kepada pelanggan GET (pemegang LAP) sahaja, pemegang LAP masih boleh mengenakan surcaj atau rebat kepada pengguna yang lain. • Oleh yang demikian, tuntutan kos ICPT hanya terhad kepada jumlah baki kWj yang dikenakan surcaj ICPT sahaja. <p style="text-align: center;">Tuntutan kos ICPT GET = Jumlah penggunaan kWj TNB – Jumlah GET yang dilanggan</p> <ul style="list-style-type: none"> • Jumlah tuntutan kos ICPT GET akan di-pro rata bagi setiap pengguna mengikut baki kWj penggunaan elektrik yang ditolak dengan kWj (langganan GET).

4. Bagi tempoh pengebilan pengebilan bulanan yang melangkaui bulan (*spanning month*) dan tidak mempunyai *smart meter*, pengiraan penggunaan elektrik (kWj) akan dikira secara prorata bagi tempoh bil4. bulan tersebut dan pengiraan akan dikira dalam tempoh pelaksanaan ICPT sahaja.

Contoh:

Tempoh pengebilan bil elektrik bagi Syarikat A untuk bulan Julai 2024 adalah bermula pada 24.06.2024 – 23.07.2024 (31 hari), maka tuntutan layak diterima adalah 23 hari sahaja bagi bil bulan Julai 2024 iaitu bagi tempoh 01.07.2024 – 23.07.2024.

Bil Bulanan	Tarikh Pengebilan	Tempoh hari layak membuat tuntutan
Julai 2024	24.06.2024 – 23.07.2024	01.07.2024 – 23.07.2024 = 23 hari
Ogos 2024	24.07.2024 – 23.08.2024	24.07.2024 – 23.08.2024 = 31 hari
September 2024	24.08.2024 – 23.09.2024	24.08.2024 – 23.09.2024 = 28 hari
Oktober 2024	24.09.2024 – 23.10.2024	24.09.2024 – 23.10.2024 = 31 hari
November 2024	24.10.2024 – 23.11.2024	24.10.2024 – 23.11.2024 = 30 hari
Disember 2024	24.11.2024 – 23.12.2024	24.11.2024 – 23.12.2024 = 31 hari
Januari 2025	24.12.2024 – 23.01.2025	24.12.2024 – 31.12.2024 = 8 hari

Walau bagaimanapun, sekiranya pemegang LAP yang mengeluarkan bil bulanan penggunaanya berdasarkan ***spanning month***, dan mempunyai ***smart meter***, pengiraan penggunaan elektrik (kWj) akan dikira berdasarkan penggunaan bagi tempoh bil bulan tersebut, mengikut penggunaan sebenar yang disukat oleh ***smart meter*** dan pengiraan akan dikira dalam tempoh pelaksanaan ICPT sahaja.

LAMPIRAN 2

CONTOH PENGIRAAN TUNTUTAN ICPT

1. Ilustrasi pengiraan tuntutan ICPT adalah seperti berikut:

Contoh:

Jadual tampungan ICPT oleh Kerajaan adalah seperti berikut:

KATEGORI PENGGUNA	TARIF	TAMPUNGAN KOS ICPT YANG BOLEH DITUNTUT DARIPADA KERAJAAN
(a) Domestik	A	(i) Pemberian rebat @ 2 sen/kWj bagi penggunaan elektrik 600 kWj dan ke bawah (≤ 600 kWj)
		(ii) Kos surcaj yang tidak dapat dilepaskan kepada pengguna @ 16 sen/kWj bagi penggunaan elektrik 1,500 kWj dan ke bawah ($\leq 1,500$ kWj)
		(iii) Sebahagian kos surcaj yang tidak dapat dilepaskan kepada pengguna @ 6 sen/kWj bagi penggunaan elektrik melebihi 1,500 kWj ($> 1,500$ kWj)
(b) Bukan Domestik		
i. Komersil	B	(iv) Sebahagian kos surcaj yang tidak dapat dilepaskan kepada pengguna @ 13.30 sen/kWj (16.00 sen/kWj – 2.70 sen/kWj)
ii. Perindustrian	D	
iii. Pertanian Spesifik	H, H1, H2	
iv. Operator air dan pembedungan		
v. Lampu jalan PBT	G, G1	

Berdasarkan jadual tampungan ICPT oleh Kerajaan, contoh pengiraan tuntutan ICPT adalah seperti berikut:

Contoh 1: Pengguna domestik dengan tarif A	
Formula Pengiraan	a) Penggunaan elektrik (kWj) x (RM0.02 (rebat yang diberikan kepada pengguna bagi penggunaan kurang daripada 600kWj)) b) Penggunaan elektrik (kWj) x (RM0.16 (surcaj yang tidak dapat dilepaskan bagi penggunaan kurang daripada 1,500kWj)) c) Penggunaan elektrik (kWj) x RM0.06 (surcaj yang tidak dapat dilepaskan bagi penggunaan melebihi 1,500kWj)
Contoh pengiraan	a) = 1,000 kWj x RM0.16 = <u>RM160</u> b) = 600 kWj x RM0.18 = <u>RM108</u> c) = 1,501 kWj x RM0.06 = <u>RM90.06</u>

Contoh 2: Pengguna domestik dengan tarif A – <i>spanning month</i>	
Formula Pengiraan	a) Penggunaan elektrik (kWj) x (RM0.02 (rebat yang diberikan kepada pengguna bagi penggunaan kurang daripada 600kWj)) b) Penggunaan elektrik (kWj) x (RM0.16 (surcaj yang tidak dapat dilepaskan bagi penggunaan kurang daripada 1,500kWj)) c) Penggunaan elektrik (kWj) x RM0.06 (surcaj yang tidak dapat dilepaskan bagi penggunaan melebihi 1,500kWj)
Contoh pengiraan	1) Tempoh pengebilan (24/6/24 – 23/7/24) = 2,500 kWj 2) Tempoh hari layak menuntut: (1/7/24-23/7/24) a) = 1,000 kWj x RM0.16

	<p>= <u>RM160</u></p> <p>b) = 600 kWj x RM0.18</p> <p>= <u>RM108</u></p> <p>c) = 1,501 kWj x RM0.06</p> <p>= <u>RM90.06</u></p>
--	--

Contoh 3: Pengguna Bukan Domestik Semenanjung (Tarif B, D, H, H1 & H2)

Formula Pengiraan	Penggunaan elektrik (kWj) x RM0.133 (surcaj yang tidak dapat dilepaskan) (RM0.16– RM0.027 (surcaj yang dilepaskan kepada pengguna))
Contoh	<p>= 7,400 kWj x RM0.133</p> <p>= <u>RM984.20</u></p>